

西安府志

第二函
八冊

西安府志卷第三十九

人物志 列女

明

郭氏長安志長安劉進忠妻又楊氏劉進孝妻姊妹也郭氏年二十夫故守節楊氏夫亡無子斷指自誓入稱一門雙節

趙氏賈志長安生員陳經濟妻濟病殂氏七日不食死又安守性妻孫氏年二十八夫卒自縊死又顧應善妻馮氏苦節撫孤寇亂自縊死

王氏賈志席榮妻長安人年二十七夫亡撫孤苦節四十餘年母病篤氏割股以進病愈天啓中旌又鄠縣王氏適

邑民閭鴻業舅遭疾王刲股以療邑稱孝婦

王氏長安志長安晉國柱妻事孀姑朱病瘵氏毀衣飾供藥餌祈天請代姑病遂愈王沒國柱繼娶朱氏撫育前妻三子皆克成立

韓氏賈志咸寧李能妻能亡氏絕粒七日死

劉氏賈志咸寧王持衡妻太原同知養性女年十九夫亡堅志苦節四十年督學熊師旦奏旌其間又盧氏咸寧尙書紳女適庠生蘇幼芳年十七夫亡矢志撫孤歷五十餘年又王氏咸寧進士胡叔元妻叔元卒于京氏年二十哀毀骨立撫姪植爲嗣愛如已出年八十一卒

茹氏賈志咸陽張九鳳妻年三十孀居教子執中後爲宋

岳尹

朱氏咸陽志咸陽杜仲清妻鄭氏清弟仲義妻朱年二十而寡鄭年二十五而寡俱守節終身

王氏咸陽志咸陽杜希奎妻希奎卒遺孤雲祥甚幼氏守志撫養娶媳趙氏後雲祥又卒趙與孤同心苦守人稱雙節

杜氏咸陽志咸陽王科妻十九而寡程氏科子來之妻劉氏來子元知妻年二十五而寡人稱三世冰霜

郭氏高陵志高陵生員李原值妻夫卒守節教子年三十二卒

吳氏高陵志高陵黑土昌妻又吳恂妻馬氏並守節撫孤

又王洪妻周氏無子撫諸女并日而食年七十卒又崔漢妻楚氏守節不嫁被嫂逼迫具狀縣尹給帖執守以卒

馬氏高陵志高陵田遇霖妻夫亡守節四十年撫三子俱成立

何氏鄆志鄆縣舉人王堠妻年二十三堠亡安貧苦節又李庫妻張氏年二十一而寡養姑撫子備嘗荼蓼垂五十年又魏邦開妻南氏亦年二十一而寡守節三十餘年又何津妻楊氏年二十五而寡守節四十年又武輻妻高氏曹進節妻王氏俱甘貧守志苦節終身

封氏藍田志藍田謝顯妻十九而寡矢志撫孤守節歷八十年又魏縉妻熊氏夫亡無子氏年二十一上事衰姑下

撫孤女卒年八十有四又閨積妻楊氏年二十五而寡守節四十五年撫子成立

張氏藍田志藍田生員孫振譜妻振譜亡氏絕食死

李氏藍田志藍田生員王業建妻業建卒氏年二十四無子夫弟業顯相繼亡妻徐氏年二十二子甫一歲李謂徐曰汝有子可守免之吾則一死而已徐泣曰嫂死予復何依百方敦勸因同心守節共撫一子李年六十卒徐年八十卒天啓三年旌

晉氏涇陽志涇陽進士劉宇曜妻年二十夫故誓死守志撫前氏子繼烈後官長蘆運副

韓氏涇陽志涇陽生員劉思向妻年二十四而寡守節三

十餘年

段氏三原志三原舉人溫日知妻夫亡與妾李氏年俱二十同志守節教遺腹子成立

李氏三原志三原王治寧妻年二十七守節至六十三終子仲妻秦氏年十九守節至七十二終孫士端妻秦氏年三十守節至六十一終三世皆有貞操云

馬氏賈志三原郝莪南妻夫亡矢志教子博通經史有詩百餘首傳于家又王氏司馬郎來望妻十九守節五十餘年人號女師又馬氏忠獻公理五世孫女適舉人雒獻書二十而孀守節四十餘年

秦氏賈志三原李根元妻年二十二夫卒自縊數次因救

免乃自剔一目甘貧教子松年中天啓甲子鄉試壽八十
四卒又員維寧妻孔氏員大學妻孔氏王君賞妻張氏並
年二十誓死守節撫孤縣令旌之

呂氏三原志三原張忠妻少寡苦節督學靳公錄其子楠
爲增廣生以嘉其節

雒氏三原志三原秦甲業妻業亡氏年少苦節教子四器
領鄉薦天啓中旌又生員李大芳妻某氏年二十五夫亡
苦節五十年又秦昂妻吳氏郭光明妻周氏並年少夫亡
甘貧撫孤

劉氏盤屋志盤屋魏嚴妻嚴歿誓以死守性尤純孝翁溥
年九十餘臥病飲食轉側皆氏扶持便溺漬污澣濯不倦

三年如一日

在氏賈志盤厓生員孟芳鄰妻年二十夫死孝事孀姑子復死撫孫紹祖成立苦節四十年又孟學孔妻牟氏年十六歸孟四歲而孀遺孕方七月苦節四十七年又袁某妻侯氏年二十夫卒矢志守節六十年又趙雲妻楊氏趙瑯妻許氏張克憲妻楊氏張附羽妾田氏俱幼年苦節以壽終

白氏賈志盤厓生員馬翰如妻年十九適翰如家貧氏以女工佐養父母二十九翰如卒氏盡剪其髮晝績柩前夜抱幼女宿柩傍每食必祭祭必盡哀越數月聞其伯有成謀令改嫁攜其女哭是夜自縊柩側時天啓七年夏六月

置其身自衣裙至襪履皆針線密縫無寸隙見者驚惋稱
爲封骸節婦邑令張鯤化請卽其居立祠夫婦合葬祠後
又任調元妾焦氏夫亡自縊死又焦莊妾劉氏夫亡飲酖
死

王氏賈志渭南生員張而弛妻夫卒氏絕粒毀容卒自縊
死妾樊氏亦自縊天啓元年旌又生員孫坡妾張氏年十
九坡亡氏櫛沐縊于柩側

李氏賈志渭南尹孝策妻生一女夫亡氏年二十六叔翁
私許韓氏除夜哭擁入門捆載疾馳叔母預匿車中知李
帶刃搜擲之李用束髮簪刺喉七孔血淋漓將斃及抵韓
門見血不可近遂遠之史義伯率諸生白于當道旌其門

比女長出嫁李謂曰汝當自立今我可以死矣遂不食而卒

劉氏賈志渭南田守愛妻夫卒氏年十九遺腹生子食貧操作守節六十餘年天啓中旌

王氏賈志渭南譚應誌妻年二十六夫亡斷髮嚙指誓不再適罄囊橐與夫兄弟以紡績供衰姑甘旨壽八旬卒又安顯然妻尹氏二十七寡竟日一食課兒讀書寒暑不懈

壽六十六卒又鄭時達妻李氏年二十八守節撫孤又吳養浩妻劉氏夫早逝氏孝事祖舅姑撫孤成立又甘汝濟妻袁氏適汝濟五年而寡或勸改適氏泣曰老親無男媳可代子孤兒失父怙可兼恃孀居五十八年子振世卒成

立

李氏賈志富平生員孫應魁妻歸孫二載孫故氏無出撫嗣子甘貧守志終身

王氏賈志醴泉董璜妻夫亡氏十九生子甫八月苦志守節又董珠妻郭氏珠故誓死明志以紡績自給又張氏夫失其名亦以苦節著

烏氏賈志序班鎖守貴妻長安人姑張氏孀居性嚴烏見卽長跪曲意敬順疾革囑守貴曰母老宜敬順若妾在時又呼二子曰汝輩慎毋忤婆婆意言畢而逝里中稱孝婦又螫厓劉氏安塞教諭楊實儒妻楊宦遊孀姑湛氏病風不能轉側氏扶持侍奉四載如一日姑歿氏以勞瘁致疾

卒

潘氏長安志長安陳之英妻年二十七夫亡氏甘貧守志孀居五十餘年又吳伯齡妻張氏年二十四夫亡斷髮守節事舅姑撫遺子教養備至五十年如一日

吳氏長安志西安前衛百戶費之完妻夫亡氏年十七矢志守節飲水茹蘖五十餘年崇禎時屢表其閭命有司歲給粟帛

段氏長安志長安諸生田佳符妻早歲喪夫勵志守節孀居四十餘年

王氏長安志咸寧給事中張國祥妾大興人夫卒于官氏年二十四生子未彌月扶櫬西歸食貧守志教子有成

三十餘年卒家有婢亦早年失耦或勸之他適婢曰我習聞主母言謂婦人從一以終雖迫饑寒有死無二豈可再嫁以辱此訓耶其所感如此

張氏長安志長安李雲妻夫早亡氏守節七十年天啟中旌

胡氏咸寧志蒲州生員孫光引妻寄籍咸寧光引卒氏年二十四紡績自給義方教子苦節四十八年

張氏李思成傳郡丞許從坤妻咸寧人都諫張齊女幼貞靜通大義坤卒慟哭不食廵羸濱死毀簪珥治書延師教子肇業入庠凡二十五年臨終囑子曰撫孤守節乃婦人分內事甚勿身後請旌其見大體如此

夏氏賈志咸寧生員李梁妻歸梁時已病篤氏日夜侍湯藥者二年梁故氏年十八聞父母翁姑欲別議絕粒不死後以頭觸柱死崇禎中旌

董氏咸寧志咸寧中翰韓在母適贈君崑旭崑旭卒在方十二齡撫孤自誓毀簪珥延師課讀戊辰正月廿日櫛沐危坐而逝壽七十六在知制誥侍經筵奉使冊封鄒太守扁其門曰節壽凝褒

白氏通志咸寧宋實妻夫亡守志苦節歷四十年

任氏咸寧志咸寧梁濟妻濟卒氏無子撫姪爲嗣愛如己出苦守終身

柯氏賈志咸寧貢生李磐妻又馮氏指揮曹煥妻張氏郭

鳳妻何年二十二而寡守節五十八年馮年十九而寡守節五十年張年十八而寡守節六十年

趙氏通志咸寧鄭問妻歸二十一日而寡守節終身卒年八十又范氏咸陽生員劉承恩妻年二十五而寡守節孝親卒年九十七

蔣氏咸陽志咸陽蕭體元妻夫亡誓死守義事親盡孝後以壽終又趙氏王萬鑑妻又康氏監生王道平妻年俱二十五而寡堅志守節百折不易

謝氏賈志咸陽袁宗義妻宗義亡謝年方少矢志守節卒年八十又許氏貢生杜希顏妻王氏程浪妻俱年二十而寡又劉氏楊孟朝妻程氏王崇修妻甯氏王載妻俱年十

九而寡又王氏史秉直妻買氏王邦金妻俱年二十八而寡皆堅心守節終身不二

車氏咸陽志咸陽馮志學妻又馮氏朱朝選妻車年二十九馮年二十七而寡皆守節不二以壽終

竇氏賈志咸陽劉奎妻年二十一而夫亡氏孝事舅姑鞠育幼子屢膺表閭頒給帛粟

胡氏咸陽志咸陽員積善妻夫亡守節申請旌表

李氏咸陽志咸陽張港妻港亡遺孤甫六月氏刲腹療姑苦節訓子後以子貴封宜人

呂氏咸陽志興平竇某妻二十夫賈湘淮死姑憐其幼勸之他適氏泣曰夫亡固不可嫁况姑無依乎孝養終身年